

廣德州志卷十五

營建志

塋墓

塋墓

過墓必式古人禮於死者如此後世則有發邱摸金者矣然而聖賢前喆體魄所藏必為之置守戶禁樵採或表封或遣祭彼富貴烜赫視一聚枯骨何如哉桐川墓域舊志所載甚少加意訪求就所見增入使慕古者知所瞻仰至於窆齒掩骼義重前經李志附見今因之

廣德州志

卷十五

塋墓

一

唐

尚書劉文靖墓南畿志云唐劉文靖公墓在州北三十里

萬厯志云在唐興寺側今廢

案南畿志止載此及茅王三墓

兵部侍郎潘冕墓在州東北四十里東泉寺後

案冕以縣吏入京夢張真君助靈禱雨得授本縣令

而贈真君為水部員外郎改橫山曰祠山事詳祠山事要不言冕終為侍郎然今東泉寺後有墳山立石題識現存寺大殿東廊肖真君及冕二像真君在東冕在西冠服如唐侍郎之制則必非妄傳也

茅王墓在建平縣東北十里南畿志云廣袤數畝履其上則隱然有聲去墓數里有茅王廟未知何代明一統志云塚中空多蛇人不敢近其茅王廟鄉人亦不知爲何神

夏侯塚在建平縣西十里南畿志云有石如碣深陷土中其巔半露而無欵識舊嘗掘視衆莫能舉遂止明一統志

志云里俗亦無知其入者案南畿志建平止此二墓

案右二墓不知其年代以由來已古附列於此

宋

廣德州志

卷十五

塋墓

二

處士清容先生查深墓在州東南七十里烏石保

周在建墓道碑記宋處士清容先生姓查氏諱深字道源清容其別號也余自束髮後即耳先生名高風亮節爲宋大儒生徒受其業者不下千數幾幾乎與鹿洞鸞湖相頡頏獨是廣德僻在山間顧安得投跡其地一拜先生之祠耶私淑之誠惟有托諸空願耳歲辛卯量移是邦聞

命之日或有以桐俗易治地樸民淳爲余賀者余曰然有是言也蓋桐之民去先生之世雖已數百年而其流風未泯固宜其若是下車之日即詢諸紳士無不頌先生之德不休余心滋喜方欲一拜先生之祠以慰夙昔之願迨訪其族姓實爲後衰考其里居則曾未有過而問焉者嗚呼噫嘻大賢如先生尚不能綿百世之澤耶此皆守是邦者弗能培植之故余按廣德志城西有清容講堂爲先生授徒處今已不可問惟去城數十里則先生之墓在焉余于是單騎衝寒披荆剪棘履荒郊而躅撫孤松而盤桓舉日蒼涼不勝興廢之感然而先生

之德容道範不啻相遇於高山流水間也今既拜其墓
並植其後裔則僅有存者間得一人爰俾受書于塾以
奉春秋之祀雖不敢云發潛德之幽光續名人之墜緒
而數十年欽崇愛慕之私于茲少慰焉祀生查啟能全
子名貴請勒石以表其墓因叙始末登諸碑板庶幾文
人學士有所景仰樵夫牧豎知所畏敬云爾康熙歲次
甲午孟冬之吉

左司員外郎倪濤墓

據倪氏譜在北

書錄解題曰呂居仁

為誌墓

案濤之父從永嘉徙此倪氏譜乃云蘇州吳興名大茂者徙此濤其元孫其失豈特數典也

侯賢將墓在建平縣東北三十里

案楊志云相傳唐侯君集以開國策勲後因太子之變與難家人挈棺葬於此迄今呼侯賢將墓然不可

廣德州志

卷十五

塋墓

三

考又云君集死在關中不得建平有墓今考萬歷志不言侯為唐人而縣志有侯巖仕宋為江州團練使有勇畧世稱侯巖將據此則侯賢必侯巖之音訛也因改附宋

吏部尙書沈虛中墓在州南丹井山

奉議大夫潘敬墓萬歷志在建平縣南七里楊志塔塘冲
宋高宗御翰卒贈奉議大夫潘敬所葬

大提點吳應龍墓楊志在建平縣南二十里吳村山案端
明殿學士錢于定誌墓云清祐五年十二月在原通鄉

之原

案楊志云宋諭葬考墓銘並無其事萬厯志亦無是說不知楊何據也

修武郎王機墓萬厯志在建平縣南五里楊志鎮山之麓宋監騏驥院官修武郎王機所葬吳應龍誌墓

校書郎章汝鈞墓在建平縣東二十里檀園

尚書鄭清之墓萬厯志在建平縣東北四十里楊志在獨山南沿口嶺下相傳南宋鄭清之流寓本邑卒葬于此墓南甃砌遺迹尙存

廣德州志

卷十五

塋墓

四

案楊志云鄭清之浙之鄞入理宗朝爲右丞相淳祐九年爲左丞相十年致仕封齊國公奉朝請越六日而卒初未嘗至建平而謂其卒葬於此果何據耶或別有顯官而誤其官未可知也通志直作丞相鄭清之墓

直閣梅應發墓在州東南五十里上中保

錢王孫墓萬厯志在建平縣東北三十五里楊志作三十

里在南店村後相傳宋吳越武肅王孫鉞季志作錢廣端宗

時徙建平卒葬于此

參軍趙時踐墓萬曆志在建平縣南楊志宋末攝縣事參軍趙時踐死難縣南溪中縣卒取屍焚之埋於溪南岸上其妻子僕妾八人同死者亦瘞沙中今踪跡泯沒無從尋識

尚書戴宗道墓在建平縣南五十里墨窰冲

據戴氏譜歛縣人咸淳進

士新纂

元

廣陵侯貢士濬墓建平存墓在南鄉交洪山元統三年敕

翰林學士歐陽元撰神道碑諭祭山環水秀松柏鬱然

廣德州志

卷十五

塋墓

五

至今尚有侯手植之樹

知縣王勉墓在建平縣東七里陳村元本縣知縣王勉所

葬縣中

明

禮部尚書錢用壬墓續萬曆志在青雲樓左知州段猷顯

立石學正李日滋磚砌

康熙魚鱗冊墳地三分長九弓橫八弓積柴拾貳弓四至皆馬

田

案碑係萬曆丙申年立中書明禮部侍郎前狀元錢

公考明史用壬官尚書非侍郎會試南榜第一亦非

狀元也當時品官塋制置石羊虎望柱皆有定數萬
[歷志]稱此爲榛邱則其荒蕪不始於今也

贈懷遠將軍劉成墓[通志]在州西七里岡[南畿志]成靈璧
人國初以元帥守長興戰死賜葬於此案[明史]成爲永
興翼元帥數敗張士誠兵與李伯昇戰死贈懷遠將軍
立廟長興[萬歷志]云高帝命謝元吉護喪葬此撥民沈
福壽守之子興遼東鎮撫永樂十九年祭祖告贖原山
二十一畝嘉靖五年孫常以山賣西門雲氏塚竟蕪沒
判官鄒守益爲修塋立碑其山東至昭德宮去墓一十
五步西至雲氏墳山去墓一

廣德州志

卷十五

塋墓

六

十八步南至濮鉉田去墓一十五
步北至昭德宮山去墓三十四步

知縣李良貴墓[萬歷志]在建平縣東三里[楊志]洪武初任
本縣李良貴所葬

翰林院修撰王叔英墓[南畿志]在祠山東麓大學士楊士
奇道經廣德題其墓而祭之[萬歷志]楊士奇題其墓曰
嗚呼翰林修撰王原采之墓成化十二年知州周瑛修
葺樹碑後知州孫鉉置田二畝屋三楹正德七年知州
劉節增置田歲寒食重陽日州率僚屬儒官祭掃嘉靖
五年判官鄒守益修墓道令王府官濮濬濬躬祭廳三楹

楊志 乾隆五十四年知州胡文銓重葺並有碑記胡志咸

豐末燬光緒五年知州胡有誠郡人天津府知府張光

藻新安孫杰捐貲築墓臺并砌拜臺墓道碑亭光藻有

記新纂

周瑛墓記去廣德城西五里許王修撰墓在焉修撰故
台州人姓王氏名叔英字原采素有氣節仕建文朝為
文字官未幾文皇帝南巡原采募丁壯廣德遂自經死
自為贊及詩尋有詔治姦黨其二女赴井死其妻繫獄
死人為上其所賦詩上曰彼食其祿自盡其心耳乃置
不問初原采將死以書抵祠山道士盛希年曰可葬我
祠山之麓希年卒收葬之蓋原采希年同台州人故托
以後事正統中少師楊公士奇始為題其墓曰嗚呼翰
林修撰王原采之墓且為文以祭之原采嘗薦楊公建
文朝久之事定故及此原采無後墳墓鞠為邱莽所可
塋墓

廣德州志

卷十五

識別者僅有楊公之碑而已瑛初為進士時嘗聞其事
于鄉縉紳及官廣德以特羊祭于墓繼而訪諸故老得
其遺事為詳云原采入廣德未幾車駕渡江羣臣出走
原采募丁壯番上遇兵部尚書齊泰來奔皆潰歸原采
以齊為二令州人執之既至告以故其夕原采引決原
采死時年未四十蓋其見義之明殺身之勇處死之不
亂良由其有所養非若一時忙迫失據計出無聊而自
經於溝瀆者之可比也因念其行誼之篤且悲其無後
而為修治其墓并述其事以告後之人或議之曰原采
建文臣子子不為諱而表彰之非罪耶瑛曰不然自古
忠臣義士皆各為其主耳原采仕建文朝故忠于建文
若仕于太宗朝其忠于太宗也必矣况兩朝天下皆太
祖高皇帝所經營之天下兩朝臣子皆太祖高皇帝所
培養之人物也譬如天地分為四時凡禽獸感時而鳴
者雖有春夏之異要皆造化中物未可舍此而取彼也
議者謝曰子言是也麗性有石其鑿者鄒守益重修
墓記君子之學求無愧于心而已矣無愧于心則無害
于仁故簞食豆羹處之猶富抱關擊柝處之猶貴鼎鼐

白乃處之猶生而况其他乎彼多行可愧而冒焉以居之若臧氏之位為竊原氏之老為賊賊與竊皆賧之徒也如使盜賊而富貴且壽三尺童子其孰肯願之故曰所欲有甚于生所惡有甚于死非獨君子有是心也君子能不失其本心而已昔者嘗怪夷齊之事富貴人所欲也而遜國以逃死人所惡也而諫伐以餓彼獨非人之心腹腎腸乎而甘于流離困踣若得其利仁勉之其心誠有樂乎此也仁者安仁樂之也知者利仁勉之也其求無愧于心一也以司馬遷之博聞強記而追憤其事至呼天以訴之夷齊之心其真知之者鮮矣國朝靖難之師靜學先生王叔英以修撰奉命募兵廣德事不可支沐浴具衣冠書絕命詞復為贊書于案遂自經於元妙觀之銀杏樹其詞從容和平有采薇之遺音焉有詔治姦黨其二女赴井死其妻繫獄死人為上所賦詩上曰彼食其祿自盡其心耳乃置不問嗚呼盡心之義大矣盡其心以殉君之謂忠盡其心以殉父之謂孝盡其心以殉夫之謂貞貞烈之女志士思以為配忠義之事明主思以為佐故文皇帝之言曰使練子寧等

廣德州志

卷十五

塋墓

八

在朕固當用之蓋至是好惡定矣羣臣祇若德意以好懿德凡飭遵豆崇墟墓罔有弗虔先生墓在祠山之麓東里楊公士奇題其石翠渠周公瑛述其事嗣是置產立祠相沿弗懈守益承乏是邦感先生之義迺移元妙觀于東郊而建祠于樹下屬之曰懷忠使過者式焉復其墓中為碑亭繚以周垣榜之曰懷忠使過者式焉復為論次先生之心以詔來世繫之以辭曰人受中以生孰非正氣嗜慾所伐天機日瘁有能充之塞乎天地課其得喪孰愚孰智西山之薇啜彼千馴聖謨洋洋來者其志之嘉靖五年歲次丙戌四月既望賜進士及第判廣德州事安成東廓山人鄒守益撰及題額同知陳官判官周明德訓導李元莫晦胡伯麟同建 潘仲明重葺靜學王先生墓詞記畧王公叔英葬于祠山之麓少師楊公以推轂故而題其墓郡倅東廓公郡守翠渠公亦為增修碑記班班可考至刺史申淮公始構堂而奠焉祠曰表忠歲久闕理蕪穢不治頃緣長僚二宰段侯于翼序橫岡各新合祠以祀余展祭悽惻斷為整葺焉因捐俸鳩工哀材諏日庀事工善吏勤不期月祠宇一

新萬曆二十六年戊戌菊月穀辰徵住郎判廣德州事
山陰潘仲明撰胡文銓重建修撰王公祠並修墓道
記畧前明建文朝靖難師起修撰王公募兵廣德聞南
京失守沐浴具衣冠為絕命辭復為贊書于案遂自經
于元妙觀之銀杏樹下道士盛希年收葬之祠山之麓
尋以詔治姦黨其妻金氏并二女俱死焉正統中大學
士楊士奇題其墓曰嗚呼翰林修撰王原采之墓且為
文以祭之成化中知州周瑛憫其無後修墓立碑為之
述其事嗣是知州孫鉉劉節先後為置田畝建墳屋歲
寒食重陽州率僚屬儒官祭掃嘉靖初州判鄒守益移
元妙觀於東郊而建專祠於樹下為碑以誌之令義民
濮濬葺理其墓是修撰王公之舍生取義迄今猶昭然
在人耳目間其有墓有祠亦歷有年所矣修撰王公以
一儒臣從容殉難妻女俱亡死而無後傷已而三尺孤
墳竟聽其鞠為茂草數椽祠宇又任其毀諸風煙將何
以慰忠臣義士於地下乎銓不敏臨牧石封以已酉春
三月祭於修撰王公之墓間所為祠宇已蕩然無存僅
有敗址頽垣委諸荒烟蔓草間而已因戊材鳩工克期

廣德州志

卷十五

塋墓

九

歲事規制悉期堅實以冀妥侑修撰王公之神且為之
清釐添置祭田以綿祀事庶可昭茲來許用繼從前守
斯土者之表揚忠義耳落成之日為之紀其巔末乾隆
歲次已酉夏五月

賜

進士出身奉政大夫知安徽直隸廣德州事前戶部江
南清吏司主事管理飯銀庫總辦軍需局事務加五級

紀錄八次大興胡文銓撰并題額

明楊樸祭王修撰墓祠山東麓翰林墳烟草離離對夕

曠往事何人持定論表忠無石勒遺文夷齊就死今高

節王魏倫生孰獎勲我忝守桐來拜禮一卮清酌薦香

芹濮陽鐵弔王內翰墓三尺荒邱鎖綠藤清風干載

等夷齊野雲拖雨山前宿林鳥傷春月下啼正氣堂堂

天地老丹心耿耿古今稀一回惆悵一增重指顧雲霞

落照西霞猷顯王修撰墓蒼松翠柏倚孤岑下馬遙

瞻淚不禁一統乾坤真主定半生忠孝史臣心芳魂漫

逐黃雲結幽恨還同白日沉一自望之殉晉後祇今千

載嗣

徽音

御史胡廩墓在州西南四十里墓東保箬塢冲

建昌知府孫日升墓在建平縣

萬歷志作孫長史墓

訓導謝士貞墓楊志在建平縣永樂間任本縣學

山西巡撫諡莊介姜洪墓在州西南七十里前冲舖

案萬歷志載中丞墓地頗佳族駟給伊孫買去葬逼

中丞墓前二丈中丞有甥戈某具詞州守何公以其

既賣且葬置勿理李得陽曰案會典中丞之墓前後

左右各方十步是謂禁地私買與賣並不可公見典

遂與改正據此則是墓為諭葬可知而舊志反不之

廣德州志

卷十五

塋墓

十

載何也

副使呂盛墓李志在建平縣北四十里大栗園

案萬歷志載建平墓自茅王夏侯至呂副使共十四

所皆不書名今據李志補之

甯陽縣丞濮陽瑾墓在州南五十里黃柏舖

戶部員外郎王世祿墓在州西五十里誓節渡保

贈戶部尚書李得陽墓在州東三十里九里岡萬歷間諭

葬先是鄭宜人葬此吳興朱長春誌墓李得陽有詩云

定知死後還同穴却恨生前不再逢

碑現存

贈兵部尚書夏良心墓在州東二里星橋保下馬橋甯謙
慈雲閣訪訥雲上人詩歸去城頭日欲斜修巢語燕立
晴沙臥麟高塚今如是誰識當年司馬家自註路經外
曾祖夏司馬公墓卽其舊居也良心季弟蘭溪主簿良
器墓在州北二十五里後岡保結義山泰和郭子章表
墓碑存

大理寺丞李徵儀墓在州北五十里二十一都通志史可
法誌墓存

廣西布政司參議宣城沈寵墓在建平縣周公冲其配崔
廣德州志 卷十五 塋墓 十一

孺人先葬此王畿爲志墓

見龍
谿集

隱士甯時墓在束翠山甯謙有詩見藝
文

判官劉曰吉墓在祠山麓與王修撰祠相近曰吉宛平人

康熙二十四年來判州後卒於官妻程孺人亦卒二十

九年知州毛渾合葬之有碑

祀田六畝四分在東門外
泥渚頭祠山道士收租爲

清明祭費者
民司其事

八角墳李志在建平縣南二十五里夏司馬所葬一在縣

西南三十里處士王建極所葬

案夏司馬無考故與履壇俱列於明末

以上胡志

貴州道監察御史巫繼咸墓在州東北二十里范村保

戶部郎中巫璋墓在州東十五里姚坊保

國朝

內閣中書雲中官墓在州北二十里雙孝都後岡保劉家山

甘肅平羅縣知縣沈上青墓在州東四十里圩鋪保土名

圓門裏

桃源縣知縣巫檉孫墓在州東二十里葫蘆保巫繼咸下見人物志

進士甯珂墓在州北五十里王村保盒子山見選舉志

廣德州志

卷十五

塋墓

三

監察御史趙嗣晉墓在州東十二里下蘭塘土名黎園裏

據趙氏譜今墓碑已失

工部主事陳錫墓在州南九十里琳塘村花裏埠大冲裏

福甯府通判陳惇墓在州南九十里琳塘村花裏埠

甯都州知州劉丙墓在州北十里陳村保塘灣裏

甯國府教授呂梁墓在州北十二里湖南村見人物志

州學正趙對激墓在州西七里石頂保鯉魚冲見名宦

以上新纂

教諭鄧京埋履處在建平縣西南二十里京去後所遺履

義士何應孝捐貲二十兩購牟姓山一號瘞之附葬其
配黃孺人壇周八尺山廣八畝實三畝六分名曰履壇
後訓導滕文昭合家病故雍正十二年俱葬之壇前見
縣志

娘子墓萬歷志在州東二十里中山靖王妃墓案在今蘭
塘保有斷石柱二埋土中俗呼小娘墳

案桐川樂府據漢史謂當稱廣德王之妃不當稱中
山靖王因云中山靖王景帝胄廣德彝王中山後自
景及成百餘年焉得有妃葬桐川此是鴻嘉以後分

廣德州志

卷十五

塋墓

三

封事妃死應系彝王字其說似也但彝王所封實爲
今之黟縣此地不得有墓况娘子之名起自六朝北
齊書裴讓之嘲祖珽曰一妻耳順尚稱娘子唐宮中
號楊貴妃曰娘子體儀如后是也漢時王妃初無此
稱今姑仍舊志書之不知則闕如也

雙玉墓萬歷志在州北七十里通志烈女趙氏墓明嘉靖
間趙氏女許字步漑未嫁漑客死女聞自經死遂合葬
焉知州朱麟題其墓曰雙玉吳寧謚有詩

烈婦塚在州北二十里萬歷志楊部舖北旁有一橋季志

云名小娘橋吳寧謐有詩

義婦塚楊志在建平縣東三都張公廟側案此卽溧陽丐婦也事詳列女

附

義塚在州治東門內本舊倉基不知何時改爲義塚康熙四十九年修築圍牆乾隆五十年拓地併增砌牆垣有碑

東義塚萬厯志在州治東五里地名星橋岡計廣二十畝知州辛禮置凡貧民死無所歸者葬此嘉靖六年判官

廣德州志

卷十五

塋墓

四

鄒守益勸監生夏森立碑豎坊今廢但存其山李志乾隆二年方榮吉捐山十六畝三分

坐落東鄉陳草塘離城十五里

新東義塚在大東鄉星橋保俞村北畔計廣六畝六分餘

乾隆五十七年知州胡文銓捐俸買民人李世安之山

置有碑自南路丈至北塘計五十六弓自東夏山界丈至西夏山界計二十八弓半積一千五百九十

六弓計山六畝六分五厘

西義塚萬厯志在州治西五里地名侯家圩計廣一畝知

州辛禮置李志乾隆二年生員濮陽允昇捐山四畝

坐落

祠山廟西坐落祠山廟道士吳勝先捐山四畝

離治三里

方榮吉

捐山四十畝

坐落西郊官塘冲離治十五里

新西義塚在西城外扎寨圩計廣四畝三分餘乾隆五十

七年知州胡文銓捐俸買民人沈順弟之山置有碑

自東

吳山界丈至西路計二十七弓自南塢宕丈至北包田計三十九弓積一千零五十三弓計山四畝三分八厘七毫五絲

南義塚在州南門外一在山川壇左約計山一畝零

上有澄清

碑亭 一在馮下保葛家冲約計山八分與陶姓山毗連

新南義塚在州南城外田家冲保計山地一畝四分五厘

八毫乾隆三十六年知州恆豫捐置有碑

東至大路西至溝南至李

廣德州志

卷十五

塋墓

五

田北至王田

北義塚李志乾隆二年步士進捐山二畝

治北五里

甯天章

捐山五畝

坐落甯村保離治五十里

鄒守益瘞枯骨文予初蒞任謁山川壇於城之南見枯骨暴露為犬豕所噬念爾等皆吾赤子初無罪惡特以貧困無歸遂至於此惻然痛心有淚盈睫即歸謀諸同官咸加哀憫議以厲壇之隅收藏爾骨爾等其安宅土勿為疫厲以病吾民

縣義塚楊志在建平縣南五里許土名柞冲山三十畝用

價十兩稅存原賣主王繼祖戶每年以本山松木充之

永為例又一在縣前郎溪渡南岸一在縣北二里

縣新義塚楊志在建平縣南鎮山之下萬曆二十六年知縣朱之楫捐俸十兩買居民王士章山地十畝另建於此李志長百弓闊三十弓共計三千弓四圍以埂爲界以上胡志

白骨墳同治間克復州城掩埋枯骨處一在西門外郎步街後北首係同治三年皖南鎮總兵劉啟發收埋又兩塚係同治七年善後局委員陳宏勳等收埋一在南門外計三塚係城內紳士收埋俱題曰白骨墳嗣經紳商集成長生義塚會每逢三月初三七月十五十月初一

廣德州志

卷十五

塋墓

六

日赴墳致祭

長生義塚在西白骨墳旁同治九年陳姓助山十餘畝爲義塚今設長生局於北道基墩旁卽吳存厚堂故宅凡屬孤苦路斃施給棺槨每逢清明冬至節在城廂內外遇有損壞孤墳挑土掩埋勿使骨殖暴露

附

新置長生義塚產 一在東城內松關坊坐南朝北市房兩間兩進 一在西誠忠節坊坐南朝北市房兩間兩進 一在東橋保田壹坵計五畝貳三進基地沈賀氏助 一在東橋保田壹坵計五畝貳

分柒厘玖毫係鄂上植助 一在東橋保田貳坵計叁
畝貳分壹厘貳毫 一在大路保田壹坵計叁畝貳分
伍厘 一在楊灣保田貳坵計肆畝肆分
新義塚在州東三十里李村保同治年間奉 撫憲吳掩
埋枯骨有碑記

新義塚一在州南五十里栢塾保栢塾街背底山同治八
年奉 撫憲掩埋枯骨一在州南七十五里耿村保耿
村有祭產

以上新纂自兵燹後客民聚處間有盜葬致損先賢

古墓曾經紳士具稟嚴禁在案

詳諭
禁